

7. gr.

Samningur um akademíska nafnbót.

Pegar fyrir liggur viðurkenning á hæfi gerir deildarforseti að höfðu samráði við háskóla-rektor samning við viðkomandi starfsmann LSH um þau akademísku réttindi og skyldur sem nafnbót hans fylgja, svo sem um þátttöku í kennslu og rannsóknum.

Í slíkum samningi skal kveðið á um að viðkomandi starfsmaður hlíti reglum um gæðamat á störfum, eftir því sem við getur átt, sbr. 41. gr. reglna fyrir Háskóla Íslands. Nafnbótarhafa er meðal annars skylt að skila árlegri rannsóknaskýrslu til rannsóknasviðs H.Í. Heimilt er að taka upp í samning skilyrði um að viðkomandi uppfylli á samningstímanum tilteknar kröfur samkvæmt formlegu gæðakerfi H.Í.

Akademískri nafnbót fylgir ekki réttur til þess að sækja um framlög úr rannsóknarsjóðum H.Í. og vinnumatssjóði. Deild getur heimilað styrki úr sérstökum sjóðum í vörslu deildar, samkvæmt skipulagsskrá viðkomandi sjóðs.

Um seturétt á deildarfundum og önnur slík atriði fer eftir reglum hvernar deildar.

8. gr.

Gildistaka og endurskoðun.

Reglur þessar sem háskólaráð hefur sett á grundvelli laga nr. 41/1999 um Háskóla Íslands og samstarfssamninga, dags. 10. maí 2001 og 28. júní 2002 milli Háskóla Íslands og Landspítala – háskólasjúkrahúss, öðlast þegar gildi. Reglurnar skulu endurskoðaðar fyrir lok árs 2007 í samráði við Landspítala – háskólasjúkrahús.

Háskóla Íslands, 7. nóvember 2002.

Páll Skúlason.

Þórður Kristinsson.

REGLUR**Háskóla Íslands um aldurs- og árangurstengda
tilfærslu starfsþátta kennara við 55 og 60 ára aldur.**

1. gr.

Markmið.

Markmið reglna þessara er að efla Háskóla Íslands sem alþjóðlegan rannsóknaháskóla í anda vísinda- og menntastefnu skólans. Reglunum er ætlað að auka virkni í rannsóknum við Háskóla Íslands, enda er grunnforsenda þeirra að tilfærsla vinnuskyldu frá kennslu til rannsókna grundvallist á virkni og árangri í rannsóknum. Ennfremur er með setningu reglna þessara stefnt að því að auka jafnræði á milli kennara Háskóla Íslands.

2. gr.

Mat á rannsóknavirkni.

Virkni í rannsóknum er mæld í rannsóknastigum sem fást fyrir birt rit- og hugverk í samræmi við reglur kjaranefndar og Háskóla Íslands um mat á störfum. Grundvöllur matsins er rannsóknaskýrsla sem akademískum starfsmönnum ber að skila ár hvert.

3. gr.

Aldurs- og árangurstengd tilfærsla frá kennslu til rannsóknna.

Tilfærsla vinnustunda frá kennslu til rannsókna er ákvörðuð árlega og gildir frá 1. janúar ár hvert. Til að ákvarða tilfærslu vinnustunda milli starfsþátta fyrir tiltekið ár skal byggja á þriggja ára meðaltali rannsóknastiga sem skal liggja fyrir 1. september, 16 mánuðum áður en tilfærslan á sér stað.

Hafi kennari með hæfnisdóm fengið 10 rannsóknastig að meðaltali á ári í þrjú almanaksár skal lækka kennsluskyldu hans við 55 ára aldur um 100 vinnustundir og auka rannsóknaskyldu samsvarandi. Tilfærsla vinnustunda skal hækka hlutfallslega, með fjölgun rannsóknastiga í 20 stig að meðaltali á ári í þrjú almanaksár, í 160 vinnustunda tilfærslu frá kennslu til rannsókna.

Hafi kennari fengið 15 rannsóknastig að meðaltali, á ári í þrjú almanaksár, skal lækka kennsluskyldu við 60 ára aldur um 200 vinnustundir og auka rannsóknaskyldu samsvarandi. Tilfærsla vinnustunda skal hækka hlutfallslega, með fjölgun rannsóknastiga í 25 stig að meðaltali á ári í þrjú almanaksár, í 320 vinnustunda tilfærslu frá kennslu til rannsókna.

Tilfærsla vinnustunda miðað við virkni og aldur skal vera sem hér segir:

Tafla 1 – Tilfærsla vinnustunda miðað við virkni og aldur:

55 til 59 ára		60 ára og eldri*	
Stig	Vinnustundir	Stig	Vinnustundir
10	100	15	200
11	106	16	212
12	112	17	224
13	118	18	236
14	124	19	248
15	130	20	260
16	136	21	272
17	142	22	284
18	148	23	296
19	154	24	308
20	160	25	320

* Hafi kennari, 60 ára eða eldri, 10 til 14 rannsóknastig á ári samkvæmt þriggja ára meðaltali, verður tilfærsla á vinnustundum frá kennslu til rannsókna í samræmi við það sem gildir fyrir aldurshópið 55-59 ára.

Skipting vinnuskyldu prófessora og tilfærsla eftir aldri, að uppfylltum ofangreindum skilyrðum um virkni í rannsóknum, er þá eins og hér segir:

Tafla 2a. – Skipting vinnuskyldu prófessora með hámarks tilfærslu:

Aldur	< 30 ár	30-37 ára	38-54 ára	> 55 ára	> 60 ára
Kennsla	792	781	769	609	449
Stjórnun	198	195	192	192	192
Rannsóknir	660	650	641	801	961
Samtals	1650	1626	1602	1602	1602

Tafla 2b. – Skipting vinnuskyldu prófessora án tilfærslu:

Aldur	< 30 ár	30-37 ára	38-69 ára
Kennsla	792	781	769
Stjórnun	198	195	192
Rannsóknir	660	650	641
Samtals	1650	1626	1602

Skipting vinnuskyldu lektora og dósentra og tilfærsla eftir aldri, að uppfylltum ofangreindum skilyrðum um virkni í rannsóknum, er eins og hér segir:

Tafla 3a. – Skipting vinnuskyldu lektora og dósentra með hámarks tilfærslu:

Aldur	< 30 ár	30-37 ára	38-54 ára	> 55 ára	> 60 ára
Kennsla	842	829	817	657	497
Stjórnun	99	98	96	96	96
Rannsóknir	709	699	689	849	1009
Samtals	1650	1626	1602	1602	1602

Tafla 3b. – Skipting vinnuskyldu lektora og dósentra án tilfærslu:

Aldur	>30 ár	30-37 ára	38-69 ára
Kennsla	842	829	817
Stjórnun	99	98	96
Rannsóknir	709	699	689
Samtals	1650	1626	1602

4. gr.

Gildistaka og endurskoðun.

Reglur þessar, sem háskólaráð hefur samþykkt, eru settar á grundvelli 11. gr. laga um Háskóla Íslands, nr. 41/1999 og 32. gr. reglna fyrir Háskóla Íslands, nr. 458/2000. Reglur þessar öðlast gildi 1. janúar 2003 fyrir lektora og dósentra, en 1. janúar 2005 fyrir prófessora og fellur þá úr gildi samþykkt háskólaráðs um aldursafslátt prófessora frá 1987. Endurskoðaða skal reglur þessar fyrir árslok 2007. Nánar skal kveða á um framkvæmd reglna þessara í verklagsreglum sem háskólaráð staðfestir.

Ákvæði til bráðabirgða.

Tilfærsla vinnustunda frá kennslu til rannsókna hjá þeim dósentum og lektorum sem náð hafa 55 ára aldri þann 1. janúar 2003 skal byggja á meðaltali rannsóknastiga viðkomandi kennara almanaksárin 1999, 2000 og 2001 og taka gildi þann 1. júlí 2003. Sú tilfærsla gildir til 31. desember 2004 en tilfærsla vinnustunda frá kennslu til rannsókna byggð á árunum 2000, 2001 og 2002 tekur gildi þann 1. janúar 2005.

Háskóla Íslands, 7. nóvember 2002.

Páll Skúlason.

Pórður Kristinsson.

GJALDSKRÁ

fyrir hreinsun og tæmingu rotþróa í Skorradalshreppi.

1. gr.

Sveitarstjórn Skorradalshrepps er heimilt, í samræmi við 4. gr. samþykktar nr. 759/2002 um notkun og hreinsun rotþróa í Skorradalshreppi, að leggja á sérstakt gjald vegna hreinsunar og tæmingar rotþróa í hreppnum.